




| | | | |
|---|-------------------------------|-------------------------------|-------------------------------|
| Pranuar / Dorezuar Priljezi/Prilato Received / Delivery | 01.07.2022 | 2 | viti god year |
| Organ /Njësia Organ /Jedinica Org./Unit | Nr Prot Br Prot Prot No | Shtojca Prilog Appendix | Sasia Kolicina Quantity |
| SKMSTHCK | 3860/2022 | | 1/6 |



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.485/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Ardita Haxhnikaj-Demi-kryetare, Arben Mehmeti dhe Jeton Koca-anëtarë, me Avdyl Bekteshi-Zyrtar i lartë për Bashkëpunim Profesional në cilësinë e procesmbajtësit, ka shqyrtuar ankesën me numër A.nr.485/2022 të datës 27.05.2022 e parashtruar nga ankuesi me adresë banimi

kundër Vendimit KA.Nr.15/2022 të datës 16.05.2022 të Komisionit për Zgjedhjen e Kontesteve dhe Ankesave të Sekretariatit të Këshillit Gjyqësor të Kosovës, në çështjen juridike "kontestim konkursi", duke vepruar në pajtim me nenin 6 paragrafin 1 nën paragrafin 1.1, nenin 16 paragrafi 3 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 01.07.2022, mori këtë:

V E N D I M

I. Refuzohet si e pabazuar ankesa me numër A.nr.485/2022 e datës 27.05.2022 e parashtruar nga ankuesi

II. Mbetet në fuqi Vendimi KA.Nr.15/2022 i datës 16.05.2022 i Komisionit për Zgjedhjen e Kontesteve dhe Ankesave të Sekretariatit të Këshillit Gjyqësor të Kosovës.

A r s y e t i m

Ankuesi kandidatë për pranim në Shërbimin Civil, më datë 27.05.2022 ka parashtruar ankesë në Këshillin e Pavarur Mbikëqyrës për Shërbimin Civil të Kosovës e regjistruar nën shenjë A.nr.485/2022, kundër Vendimit KA.Nr.15/2022 të datës 16.05.2022 të Komisionit për Zgjedhjen e Kontesteve dhe Ankesave të Sekretariatit të Këshillit Gjyqësor të Kosovës, me pretendimet ankimore për shkelje të parimit të meritës, keqpërdorim i detyrës zyrtare nga ana e komisionit vlerësues, shkelje e dispozitave ligjore për shërbyesit civil.

Këshilli i Pavarur Mbikëqyrës për Shërbimin Civil të Kosovës bazuar në Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur

Mbikëqyrës për Shërbimin Civil të Kosovës, me datë 03.06.2022 ka proceduar kërkesën për përgjigje në ankesë në Sekretariatit e Këshillit Gjyqësor të Kosovës., ndërsa ky i fundit më datë 23.06.2022 ka dërguar përgjigjen në ankesë me provat e bashkangjitura.

Kolegji për Shqyrtimin dhe Vendosjen e Ankesave, me qëllim të vërtetimit të plotë dhe të drejtë të gjendjes faktike, për marrjen e vendimit meritore ka administruar këto prova: Ankesën me numër protokolli 3078/2022 të datës 27.05.2022 e parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Zarin e datës 25.05.2022; Kërkesën për përgjigje në ankesë e datës 03.06.2022; Përgjigjen në ankesë e datës 23.06.2022; Konkursin e datës 16.12.2021 për Zyrtar Ligjor në Gjykatën Themelore në Ferizaj; Vendimin KA.Nr.15/2022 të datës 16.05.2022 të Komisionit për Zgjedhjen e Kontesteve dhe Ankesave të Sekretariatit të Këshillit Gjyqësor të Kosovës; Ankesën e datës 14.04.2022 e ankuesit në Komisionin për Zgjedhjen e Kontesteve dhe Ankesave; Formularin për vlerësimin e testit me shkrim dhe me gojë për ankuesin, kandidatit dhe
Testin me shkrim të ankuesit dhe kandidateve dhe

Kërkesën për punësim e ankuesit 21.12.2021; Certifikatën SKPK/ZBNJ/Nr.04 e datës 01.06.2017; Certifikatën SKPK/ZBNJ/Nr.39 e datës 01.04.2016; Rekomandimin për ankuesin; Referencë e datës 11.05.2017 për ankuesin; Shkresë me titull raport për lëndët e kryera gjatë vitit 2016/17 nga ankuesi e datës 08.05.2017; Vërtetim i papunësisë i datës 22.10.2021; Certifikatën e lëshuar nga Gjykata Themelore në Ferizaj për ankuesin e datës 02.12.2021; Certifikatën për dhënien e provimit të jurisprudencës e datës 13.05.2019; Diplomën me Nr. 3087 në emër të ankuesit; CV-në e ankuesit; Vërtetimin nga Korporata Energjetike e Kosovës për ankuesin; Udhëzuesin për testin me shkrim i datës 11.03.2022; Propozimin për emërimin e KPSHC-së i datës 20.01.2022; Vendimin me numër reference DS-062/2022 i datës 20.01.202 për emërimin e Komisionit Përzgjedhës; Përcaktimi i kritereve për testim me shkrim dhe me gojë për vendin e punës për të cilin nuk kërkohet njohja e ndonjë gjuhe të huaj; Regjistri i aplikacioneve të pranuar; Raporti i KPSHC-së nga lista e ngushtë i datës 08.03.2022; Lista e kandidatëve që nuk kanë kaluar testin me shkrim e datës 17.03.2022; Lista e kandidatëve që kanë kaluar testin me shkrim e datës 17.03.2022; Përmbledhja e vlerësimeve individuale; Renditja përfundimtare e kandidatëve; Raporti final i rekomandimit nga Komisioni Rekrutues i datës 28.03.2022; Propozimin për emërimin e kandidatit të rekomanduar i datës 29.03.2022; Njoftimin për përzgjedhjen përfundimtare i datës 29.03.2022; Deklaratat për mosekzistimin e konfliktit të interesave; Përcaktimin e kritereve për përfshirjen në listën e ngushtë; Kërkesën për punësim e kandidatit e datës 24.12.2021; CV-në; Diplomën me Nr. 1665/19 e datës 21.09.2019; Pasqyrën e notave e datës 23.09.2019; Certifikatën e datës 02.06.2021; Rekomandimin e datës 02.06.2021; Referencën e datës 02.06.2021; Letër rekomanduese; Certifikatën e datës 11.12.2018; Certifikatën nga Gjykata Themelore në Prishtinë-Dega Lipjan e datës 20.08.2021; Vlerësimin e punës i personelit përkrahës i datës 02.06.2021; Vërtetim për kryerjen e praktikës gjyqësore i datës 08.04.2020; Kontratë SHPRK e datës 11.03.2021; Kërkesën për punësim për kandidaten A.Konjuhi e datës 28.12.2021; Certifikatën e datës 29.04.2021; Referencën e datës 09.02.2021; Letër reference e datës 04.02.2021, 25.02.2021; Diplomën me Nr. 908/19 e datës 03.07.2019; Vendimin me Nr.prot:03/76 i datës 22.01.2021; Kërkesën për punësim të kandidatit e datës 22.12.2021; Certifikatën nga Gjykata Themelore në Ferizaj e datës 11.11.2021; Diplomën me Nr.

4387 e datës 19.12.2016; Diplomën e datës 08.05.2019; Mirënjohje maj 2016; Certifikatën e datës 29.07.2016; Certifikatën e datës 24.01.2009; Certifikatën e datës 07.08.2008; Vërtetim për kryerjen e praktikës gjyqësore i datës 03.09.2019, 30.11.2020; Referencë e datës 09.09.2019, 30.08.2019; Kërkesën për punësim e kandidatës e datës 24.12.2021; Certifikatën e datës 31.03.2020; Certifikatën nga Gjykata Themelore në Ferizaj e datës 08.11.2021; Marrëveshjen e Mirëkuptimit për praktike në punë e datës 01.04.2021; Certifikatën e datës 28.04.2016; Certifikatën e datës 07.05.2014; Kontratën e Punës për Kohë të pacaktuar e datës 06.07.2020; Diplomën me Nr. 775/18 e datës 02.07.2018.

Kolegji për Shqyrtimin dhe Vendosjen e Ankesave, pasi ka shqyrtuar të gjitha shkresat e lëndës të parashtruara nga palët, ka konstatuar se ankesa e ankuesit, është e pabazuar, *sepse:*

Bazuar në shkresat e lëndës është konstatuar se Sekretariati i Këshillit Gjyqësor i Kosovës, më datë 16.12.2021 ka shpallur konkursin me Nr. 04/2021 për pozitën Zyrtar Ligjor 1-katër pozita për Gjykatën Themelore në Ferizaj, në të cilin konkurs ka aplikuar edhe ankuesi, i cili është përfshirë në listën e shkurtër dhe ka marrë pjesë në fazën e testimit me shkrim dhe me gojë, ndërsa pas përfundimit të procedurës së rekrutimit, Sekretariati i Këshillit Gjyqësor të Kosovës ka përgatitur renditjen përfundimtare të kandidatëve, ku ankuesi pas testit me shkrim dhe me gojë ka fituar gjithsejtë 377.25 pikë, duke u renditur i gjashtëmbëdhjeti në listë, kurse më datë 29.03.2022 është publikuar njoftimin për përzgjedhjen përfundimtare për katër pozita Zyrtar Ligjor në Gjykatën Themelore në Ferizaj, në bazë të të cilës rezulton që ankuesi nuk është kandidat i përzgjedhur.

Ankuesi më datë 14.04.2022 ka parashtruar ankesë në Komisionin për Zgjidhjen e Kontesteve dhe Ankesave të Sekretariatit të Këshillit Gjyqësor të Kosovës. Ky i fundit me Vendimin KA.Nr.15/2022 të datës 16.05.2022 ka refuzuar ankesën e ankuesit duke e lënë në fuqi njoftimin e datës 29.03.2022 për kandidatët e suksesshëm.

Ankuesi në ankesën e parashtruar në Këshillin e Pavarur Mbikëqyrës për Shërbimin Civil të Kosovës, kundër Vendimit KA.Nr.15/2022 të datës 16.05.2022 të Komisionit për Zgjedhjen e Kontesteve dhe Ankesave të Sekretariatit të Këshillit Gjyqësor të Kosovës, pretendon se Komisioni Vlerësues duke mos përfillur kriteret bazike ka dështuar të nxjerr kandidatët më të mirë, ka keqpërdorur detyrën zyrtare dhe rrjedhimisht ka shkelur dispozitat ligjore për shërbyesit civil.

Kolegji i Këshillit, duke ju referuar konkursit të datës 16.12.2021 të shpallur për pozitën Zyrtar Ligjor 1-katër pozita në Gjykatën Themelore në Ferizaj, ka gjetur se kriteret për pozitën përkatëse të punës kanë qenë të përcaktuar, si: *Diplomë universitare, Fakulteti Juridik; dhe Një vit përvojë pune profesionale.*

Lidhur me pretendimin ankimor të ankuesit së Komisioni Vlerësues ka dështuar të nxjerrë kandidatët më të mirë duke mos përfillur kriteret bazike dhe duke shkelur kandidatët e tjerë, Kolegji nga analizimi i dokumentacionit të aplikimit të ankuesit ka konstatuar se ankuesi posedon Diplomën me Nr. 3087 të datës 20.03.2015 më të cilën dëshmohet se ka përfunduar studimet themelore në Fakultetin Juridik të Universitetit të Prishtinës. Lidhur me kriterin e përvojës së punës është konstatuar se ankuesi posedon Certifikatën SKP/ZBNJ/Nr.39 të datës 01.04.2016 me të cilën dëshmohet se i njëjta ka kryer stazhin e praktikës në bazë vullnetare pa

pagesë në Prokurorinë Themelore në Ferizaj në kohëzgjatje nga data 01.10.2015 deri më datë 31.03.2016, Certifikatën SKP/ZBNJ/Nr.04 të datës 01.06.2017 me të cilën dëshmohet se ka kryer stazhin e praktikës në bazë vullnetare pa pagesë në Prokurorinë Themelore në Ferizaj në kohëzgjatje nga data 01.06.2016 deri më datës 31.05.2017, posedon Vërtetimin e lëshuar nga Korporata Energjetike e Kosovës me të cilën dëshmohet se ka qenë në marrëdhënie punës prej datës 01.06.2018 deri më datë 31.12.2018. Ndërsa, kandidati i përzgjedhur posedon Diplomën me Nr.1665/19 të datës 21.09.2019 me të cilën dëshmohet se ka përfunduar studimet themelore në Kolegjin AAB në programin Juridik, posedon Certifikatën e datës 02.06.2021 për kryerjen e praktikës gjyqësore nga data 03.06.2020 deri më datë 02.06.2021 në Gjykatën Themelore në Ferizaj, kandidatja e përzgjedhur posedon Diplomën me Nr.908/19 të datës 03.07.2019 me të cilën dëshmohet se ka përfunduar studimet themelore në Kolegjin AAB në programin Juridik, posedon Certifikatën e datës 29.04.2021 me të cilën dëshmohet se ka përfunduar praktiken gjyqësore nga data 26.02.2020 deri më datë 25.02.2021 në Gjykatën Themelore në Prishtinë, kandidati i përzgjedhur posedon Diplomën me Nr.4387 të datës 19.12.2016 ku ka përfunduar studimet themelore në Fakultetin Juridik të Universitetit të Prishtinës, posedon Vërtetimin e datës 03.09.2019 me të cilën dëshmohet se ka përfunduar kryerjen e praktikës gjyqësore nga data 03.09.2018 deri më datë 02.09.2019 në Gjykatën Themelore në Ferizaj, dhe Vërtetimin e datës 30.11.2020 me të cilën dëshmohet se ka përfunduar kryerjen e praktikës gjyqësore nga data 01.06.2020 deri më datë 30.11.2020 në Gjykatën Themelore në Ferizaj dhe kandidatja e përzgjedhur posedo Diplomën me Nr.775/18 të datës 20.07.2018 me të cilën dëshmohet se ka përfunduar studimet themelore në Kolegjin AAB në programin Juridik, posedon Certifikatën e datës 31.02.2020 me të cilën dëshmohet se ka përfunduar praktikën gjyqësore prej datës 01.04.2019 deri më datë 31.03.2020 në Gjykatën Themelore në Ferizaj, posedon Kontratën e punës për kohë të pacaktuar të datës 06.07.2020 me të cilën dëshmohet se nga data 06.07.2020 deri më datë 01.03.2021 ka qenë në marrëdhënie pune në VIA SHPK në pozitën Juriste.

Kolegji i Këshillit nga vlerësimi i dokumentacionit të aplikimit ka gjatuar se ankuesi dhe kandidatët e përzgjedhur kanë plotësuar kushtet e arsimit dhe përvojës së punës të kërkuar me konkurs, dhe mbi këtë bazë Kolegji për Shqyrtimin dhe Vendosjen e Ankesave konstaton se Komisioni Përzgjedhës i Shërbimit Civil në mënyrë të drejtë ka vlerësuar aplikacionet e ankuesit dhe kandidatëve të përzgjedhur, duke vepruar në pajtim me 28 paragrafin 1 nën paragrafin 1.1 dhe 1.2 të Rregullores Nr.02/2010 për Procedurat e Rekrutimit në Shërbimin Civil, i cili përcakton se: *"1.Anëtarët e KPSHC-së vlerësojnë aplikacionet në bazë të kritereve në vijmë:1.1 Arsimimi dhe kualifikimi profesional; si dhe 1.2. përvoja e punës"*, andaj në këtë aspekt nuk ka pasur asnjë lloj diskriminimi ndërmjet kandidatëve të përzgjedhur dhe ankuesit.

Kolegji për Shqyrtimin dhe Vendosjen e Ankesave, gjatë shqyrtimit të shkresave të lëndës ka konstatuar se ankuesi në testin me shkrim ka arritur (74.5) pikë, andaj me rastin e ftesës për intervistim me gojë Komisioni Përzgjedhës ka vepruar në pajtim me nenin 36 paragrafi 2 ku përcaktohet se: *"Kandidatët të cilët e kalojnë me sukses testimin me shkrim dhe arrijnë të mbledhin së paku 50 % të maksimumit të pikëve të përcaktuara nga KPSHC pranohen të hyjnë të testit me gojë..."*. Po ashtu, Kolegji gjatë analizimit të formularëve të datës 11.03.2021 në të cilët evidentohen pikët e testit me shkrim dhe formularët e vlerësimit të intervistës me gojë të datës 24.03.2022 është konstatuar se ankuesi është vlerësuar nga të gjithë anëtarët edhe në fushën e kritereve të

përzgjedhjes siç janë: *“Personaliteti dhe Planet Profesionale; Njohuritë e Përgjithshme Institucionale dhe Ekonomike; Njohuritë që Lidhen me vendin e Punës”* siç përcaktohet edhe me dispozitat e Rregullores Nr.02/2010 për Procedurat e Rekrutimit në Shërbimin Civil neni 38 paragrafi 1, nën paragrafi 1.1, 1.2 dhe 1.3 se: *“Kandidatët të cilët kalojnë me sukses testimin me shkrim i nënshtrohen testimit me gojë, e cila përbehet prej këtyre pjesëve: 1.1 Personaliteti dhe Planet Profesionale; 1.2 Njohuritë e Përgjithshme Institucionale dhe Ekonomike dhe 1.3 Njohuritë që Lidhen me vendin e Punës”*, andaj mbi bazën e këtyre fakteve Komisioni Përzgjedhës ka verpruar në pajtim me nenin 7 paragrafin 7 të Rregullores Nr.02/2010 për Procedurat e Rekrutimit në Shërbimin Civil, ndërsa pretendimi ankimor i ankuesit se Komisioni Përzgjedhës nuk ka zbatuar dispozitat e Rregullores Nr.02/2010 për Procedurat e Rekrutimit në Shërbimin Civil dhe Ligjit Nr.03-L-149 për Shërbimin Civil të Republikës së Kosovës, pasi që nuk zbatuar parimin e meritës, është i pa bazuar.

Nga shqyrtimi i formularit të vlerësimit të testit me shkrim dhe me gojë të kandidatëve, respektivisht ankuesit, vërehet se i njëjti ka grumbullimi gjithsejtë 377.25 pikë, duke mos u renditur as në mesin e njëzetepesë (25) kandidatëve me të vlerësuar sipas listës përfundimtare të kandidatëve, ndërsa katër (4) kandidatët e suksesshëm, të cekur si më lartë, janë vlerësuar me më shumë pikë, respektivisht kandidati: ka arritur rezultat prej 458.25 pikësh, ka arritur rezultat prej 412.5 pikësh, Ariana Konjuhi ka arritur rezultat prej 404 pikësh dhe ka arritur rezultat prej 400 pikë, mbi këtë bazë Kolegji i Këshillit, konstaton se në bazë të dispozitave të nenit 40 paragrafin 1 të Rregullores Nr.02/2010 për Procedurat e Rekrutimit në Shërbimin Civil, parashihet se: *Në Shërbimin Civil emërohen kandidatët, të cilët kanë arritur numrin më të madh total të pikëve në testimin me shkrim dhe me gojë”*, dhe si rrjedhojë pretendimet ankimore të ankuesit janë të pabazuara ngase Kolegji thekson se gjatë analizimit të shkresave nuk ka arrit të gjej ndonjë shkelje në procesin e vlerësimit të kandidatëve nga ana e Komisionit Përzgjedhës.

Andaj, mbi bazën e të gjeturave si më lart, Kolegji i Këshillit ka konstatuar se procedura e rekrutimit për pozitën *“Zyrtar Ligjor 1 -në Gjykatën Themelore në Ferizaj-katër pozita”* e shpallur me konkursin e datës 16.12.2021 nga Sekretariati i Këshillit Gjyqësor të Kosovës, është zhvilluar në pajtueshmëri me dispozitat e Ligjit Nr.03-L-149 për Shërbimin Civil të Republikës së Kosovës, përkatësisht neni 11 paragrafi 1 i cili përcakton se: *“Pranimi në Shërbimin Civil të Kosovës bëhet në pajtim me parimet e meritës, aftësisë profesionale, paanshmërisë, mundësive të barabarta, mos diskriminimit dhe përfaqësimit të barabartë, në bazë të konkursit publik dhe pas verifikimit të zotësisë së veprimit të kandidatëve”* si dhe nenin 18 paragrafi 1 i të njëjtit ligji i cili përcakton se: *“Pranimi në Shërbimin Civil mbështetet në parimet e meritës, me shpallje publike të pozitave të lira, me transparencë të procesit, me objektivitet dhe paanësinë e komisionit testues, mos diskriminimin e kandidateve dhe të drejtën për t’u ankuar në fund të procedurës”*, ndërsa ankesa e ankuesit është e pabazuar në tërësi dhe si e tillë është refuzuar.

Kolegji për Shqyrtimin dhe Vendosjen e Ankesave, po ashtu, konstaton se Komisioni për Zgjidhjen e Kontesteve dhe Ankesave i Sekretariatit të Këshillit Gjyqësor të Kosovës, me rastin e nxjerrjes së Vendimit me numër KA.nr.15/2022 të datës 16.05.2022 ka vërtetuar drejtë gjendjen faktike dhe e ka zbatuar drejtë ligjin material, duke vepruar në pajtim me Ligjin

Nr.03/L-149 për Shërbimin Civil të Kosovës dhe Rregulloren Nr.05/2011 për Procedurat e Zgjidhjes së Kontesteve dhe të Ankesave.

Kështu që pas analizimit dhe vlerësimit të të gjitha shkresave të lëndës si dhe duke u bazuar në nenin 18 paragrafi 1 nënparagrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës si dhe nenin 132 paragrafi 2 të Ligjit Nr.05/L-031 për Procedurën e Përgjithshme Administrative, Kolegji i Këshillit vendosi si në dispozitiv të këtij Vendimi.

Vendimi hyn në fuqi ditën e nënshkrimit nga Kryetarja e Kolegjit.

Këshillë juridike:

Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë – Departamenti Administrativ, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalin ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.485/2022

Avdyl BEKTESHI

Avdyl Bekteshi
Procesmbajtës



Vendimi i dërgohet

- Ankuesit
- Drejtorit të Përgjithshëm të Sekretariatit të Këshillit Gjyqësor të Kosovës;
- Udhëheqësit të Personelit të Sekretariatit të Këshillit Gjyqësor të Kosovës; dhe
- Arkivit të KPMSHCK-së